

龙溪精舍丛书

龙溪精舍丛书

洛陽伽藍記鉤沈卷四

城西

冲覺寺太傅清河王懌捨宅所立也在西明門外一里御道北

懌親王之中最有名行世宗愛之特隆諸弟延昌四年世宗崩懌與高陽王雍廣平王懷竝受遺詔輔翼孝明時帝始年六歲太后代總萬幾以懌名德茂親體道居正事無大小多咨詢之是以熙平神龜之際勢傾人主第宅豐大踰於高陽西北有樓出淩雲臺俯臨朝市目極京師古詩所謂西北有高樓上與浮

雲齊者也。樓下有儒林館，退賓堂，形制竝如清暑殿、土山釣臺，冠於當世。斜峰入牖，曲沼環堂，樹響飛嚶，階叢花藥，懌愛賓客，重文藻。海內才子，莫不輻輳府僚，臣佐竝選雋民。至於清晨，美景騁望，南臺珍羞具設，琴笙竝奏，芳醴盈罍。嘉賓滿席，使梁王愧兔苑之遊，陳思慚雀臺之燕。正光初元，父秉權，閉太后於後宮，薨懌於下省。孝昌元年，太后還，總萬幾，追贈懌太子、太師、大將軍、都督中外諸軍事、假黃鉞、給九旒鸞輅、黃屋、左纛、輜輶車，前後部羽葆鼓吹、虎賁班劍百人，挽歌二部，葬禮依晉安平王孚故事。謚曰文獻，圖懌像於

建始殿拔清河國郎中令韓子熙爲黃門侍郎從王國三卿爲持戟者近代所無也

魏書清河王懌孝文帝第五子太和二十一年封正光中爲元乂所害 **又**韓子熙字元雍昌黎棘城人懌死子熙屏居田野太后反政子熙伏闕訴懌之寃後官祭酒加大將軍

爲文獻追福建五層浮圖一所工作與瑤光寺相似也宣忠寺司州牧城陽王徽所立也在西陽門外二里御道南永安中北海入洛莊帝北巡自餘諸王各懷二望唯徽獨從莊帝至長子城大兵阻河雄雌未決徽願入

洛陽捨宅爲寺及北海敗散國道重暉遂捨宅焉永
安末莊帝謀殺爾朱榮恐事不果謀計於徽徽曰以
生太子爲辭榮必入朝因以斃之莊帝曰后懷孕未十
月今始九月可爾已不徽曰婦人產子有延月者有
少月者不足爲怪帝納其謀遂唱生太子遣徽持詔
至太原王第告云皇儲誕育值榮與上黨王天穆博
戲徽脫榮帽歡舞盤旋徽素大度量喜怒不形於色
繞殿內外歡叫榮遂信之與穆並入朝莊帝聞榮來
不覺失色中書舍人溫子昇曰陛下色變帝連索酒
飲之然後行事榮穆旣誅拜徽太師司馬餘官如故

典統禁兵偏被委任及爾朱兆擒莊帝徽投前洛陽
令寇祖仁祖仁一門刺史皆是徽之將校以有舊恩故往投
之祖仁謂子弟等曰始聞爾朱兆募城陽王甚重擒
獲者千戶侯今日富貴至矣遂斬送之徽初投祖仁
家齎金一百斤馬五十匹祖仁利其財貨遂行此事
所得金馬總親之內均分之所謂匹夫無罪懷璧其
罪信矣哉兆得徽首亦不勳賞祖仁兆忽夢徽云我
有金二百斤馬一百匹在祖仁家卿可取之兆悟
覺卽自思量城陽祿位隆重未聞清貧常自入其家
採掠本無金銀此夢或眞曉掩祖仁徵其金馬祖仁

謂人密告望風款服云實得金一百斤馬五十匹兆
疑其藏隱依夢徵之祖仁諸房素有金三十斤馬三
十匹盡送致兆猶不充數兆乃發怒捉祖仁懸首高
樹大石墜足鞭箠之以及於死時人以為交報楊炫之云
崇善之家必有餘慶積惡之門餘殃所集祖仁負恩
反噬貪貨殺徵徵即託夢增徵金馬假手於兆還以
斃之使祖仁備經楚撻窮其塗炭雖魏其侯之
笞田蚡秦主之刺姚萇以此論之不能加也

魏書城陽王徽字顯順長壽之子景穆曾孫也與
彧等勸帝圖榮及爾朱兆之人莊帝步出雲龍門
見徽呼之徽不顧而去又寇彌謙之之弟讚之
孫為尚書郎害徽時論深責之後歿關西

宣忠寺東王典御寺闍官王桃湯所立也

時闍官伽藍皆爲尼寺惟桃湯獨造僧寺世人稱口英雄

〔魏書〕闍宦傳王溫字桃湯趙郡人車騎將軍武陽縣男

門有三層浮圖一所

工踰昭儀宦者昭提最爲入室至於六齋常擊鼓歌舞也

白馬寺漢明帝所立也佛入中國之始寺在西陽門外三里御道南

帝夢金人長丈六項背日月光明胡神號曰佛遣使
向西域求之乃得經象焉時白馬負經而來因以爲
名明帝崩起祇洹於陵上自此以後百姓冢上或作
浮圖焉寺上經函至今猶存常燒香供養之經函時
放光明耀於堂宇是以道俗禮敬之如仰真容

浮圖前柰林蒲萄異於餘處枝葉繁衍子實甚大

柰林實重七斤蒲萄實偉於棗味竝殊美冠於中京
帝至熟時常詣取之或復賜宮人宮人得之轉餉親
戚以爲奇味得者不敢輒食乃歷數家京師語曰自
馬甜榴一實直牛

按柰無重至七斤之理下云白馬甜榴此疑當作

榴

有沙門寶公者不知何處人也形貌醜陋心識通達
過去未來預覩三世發言似識不可得解事過之後
始驗其實胡太后聞之問以世事實公曰把粟與雞
呼朱朱時人莫之能解建義元年后爲爾朱榮所害
始驗其言時有洛陽人趙法和請占早晚當有官爵
寶公曰大竹箭不須羽東廂屋急手作時不曉其意
經十餘日法和父喪大竹箭者苴杖東廂屋者倚廬
初造十二辰歌終其言也

〔按〕此段與前後文不屬未知當在何條下

光寶寺在西陽門外御道北

有三層浮圖一所以石爲基形制甚古畫工雕刻隱
士趙逸見而歎曰晉朝石塔寺今爲光寶寺也人問
其故逸曰晉朝三十二寺盡皆湮滅惟有此寺獨存
指園中一處曰此是浴室前五步應有一井眾僧掘
之果得屋及井焉井雖填塞瓢口如初浴室下猶有
石數十枚當時園地平衍果菜蔥青莫不歎息焉園
中有一海號咸池葭菼被岸菱荷覆水青松翠竹羅
生其旁京邑士子至於良辰美日休沐告歸徵友命

朋來游此寺。雷車接軫羽蓋成。陰或置酒林泉。題詩
花圃折藕浮瓜。以爲興適。

普泰末雍州刺史隴西王爾朱天光總士馬於此寺
寺門無故都崩。天光見而惡之。其年天光戰敗。斬於
東市也。

魏書爾朱天光榮從祖兄子少勇決榮特愛之及
向京師委以後事封廣宗王爲高歡所殺

法雲寺西域烏傷國胡沙門曇摩羅所立也在光寶寺
西隔牆竝門

摩羅聰慧利根學窮釋氏至中國卽曉魏言隸書凡

所聞見無不通解。是以道俗貴賤咸歸仰之。作祇洹
一所。工制甚精。佛殿僧房皆爲胡飾。丹青炫彩。金碧
垂輝。摹寫眞容似丈六之見。鹿苑神光。壯麗若金剛
之在雙林。伽藍之內。珍果蔚茂。芳草蔓合。嘉木被庭。
京師沙門好胡法者。皆就摩羅受持之戒。行眞苦難
可揄揚。祕咒神驗。閻浮所無也。咒枯樹能生枝葉。咒
人變驢馬。見之莫不忻怖。西域所賣舍利骨佛牙經
像皆在此寺。

寺北有侍中尙書令臨淮王彧宅。

彧博通典籍。辨慧清悟。風儀詳審。容止可觀。至三元

肇慶萬國齊臻。貂蟬耀首寶玉鳴腰。負荷執笏逶迤
複道觀者忘疲。莫不歎服。或性愛林泉。又重賓客。至
於春風扇揚。花樹如錦。晨食南館。夜遊後園。寮采成
羣。俊民滿席。絲桐發響。羽觴流行。詩賦竝陳。清言乍
起。莫不領其元奧。忘其褊恡焉。是以入或室者。謂登
仙也。荊州秀才張裴裳常爲五言有清拔之句云。異
林花共色。別樹鳥同聲。或以蛟龍錦賜之。亦有得緋
綢緋綾者。唯河東裴子明爲詩不工。罰酒一石子。明
八斗而醉眠。時人譬之山濤及爾朱兆入京師。或爲
亂兵所害。朝野痛惜焉。

〔魏書〕道武五王臨淮王譚元孫彧少有才學與兄安豐王延明中山王熙並以宗室博古文學齊名爾朱入洛遂奔梁

〔按〕魏書於彧傳詆其所進舉止於親婭爲識者所譏今觀此記則史爲無徵魏收穢史此亦一端

出西陽門外四里御道南有洛陽大市

周迴八里

市東南有皇女臺

漢大將軍梁冀所造猶高五丈餘景明中比邱道恆立靈仙寺於其上

臺西南有河陽縣臺中有侍中侯剛宅市西北有土山魚池

亦冀之所造卽漢書所謂采土築山十里九坂以象二嶠者

〔魏書〕侯剛洛陽人以善鼎俎得進除侍中衛尉卿封武陽公而掌尙食典御三十餘年後以罪廢

市東南有通商達貨二里

里內之人盡皆工巧屠販爲生資財巨萬有劉寶者最爲富室州郡都會之處皆立一宅各養馬一匹至於鹽粟貴賤市價高下所在一例舟車所通足跡所